

مسائل اقلیم

۱۳۲۶

در سعادتده یکی پوسته خانه قارشوسند
دائرة مخصوصه در
محل اداره:

مسلکمنزه موافق آثار جدیده مع المنزوبه قبول اولنوره
درج ایدیلیمین آثار اعاده ارنماز
انتظار:

دین، فلسفه، ادبیات، حقوق و علوم دین باحث هفته لقا رساله در

مؤسسلری: ابوالعلا زین العابدین - ح. اشرف ادیب

در سعادتده نسخه سی ۵۰ پاره در

تاریخ تأسیسی:

قیریلنه دن مقوا بورو ایله کوندریلیرسه سنوی
۲۰ غروش فضلہ آلتیر.

۱۱ تموز ۳۲۴

در سعادتده پوسته ایله کوندریلیرسه ولایات بدلی اخذ اولنوره

سنه لکی القایلنی

در سعادتده	۲۵	۶۵
ولایاتده	۵۰	۹۰
ممالک اجنبیهده	۵۵	۱۰۰
	غروشدره	

برنجی سنه

۳۲۶ شوال ۱ صالی ۱۴ تشرین اول ۳۲۴

عدد: ۱۰

مسائلک ارشاد

مسلم ارباب عقولدرکه دین و مذهب جسم ملتک روحی مثابه سنده در ، روحسز جسم پایدار اوله مدینگی کبی دین و مذهبسز بر ملت ده پایدار اوله من . روح ملت اولان دینی حفظ و حیا ایسه الوهیت ، نبوت ، معاد کبی اصول دینییه هر صنفه حال و شاننه موافق براهین و دلائل ایله تعلیم و تفهیمدن بشقه بر طریق ایله اولمق تصور ایدیله من هله بوبانده جبر و شدت ابرازی اصلا جائز اولماز . چونکه ایمان ، افعال قلبیه دندر . قلبه ، وجدانه بر شیئی جبراً قبول ایتدیرمکه چالشقی اوشی حقنده دها زیاده موجب نفرت اولمقندن باشقه بر شیئی مفید اولماز .

علوم و فنونک پک چوق مترقی اولدینی و بنساء علیه دین و علوم آره سنده عادتاً بر تضاد کامل وارد ، ظن اولدینی بویله بر زمانده ارکان دینی و حقایق اسلامیه منی دلائل واضحه و براهین قاطعه ایله ارباب فنون و اصحاب معارفه قارشو اثبات ایتکه و بوضورتله آنلری دین و ملتزمه محبت ایتدیرمکه اشد لزوم وارد .

هر مشکلمزی حله ، هر احتیاجمزی دفعه کافی ، انسانیت و بشریته تعلق ایدن بالجه فضائل و وظائفی تعلیمه وافی اولان قرآن مجیز بیان نوع بشرک نصل تعلیم و تربیه ایدیله جکی و دائره انسانیت و مدنیت نه یوله ارشاد اولنه جغنی بیان و ایضاح ایتمکده در . ازجه (سوره نحل) ک یوز یکرمی بشجی : (ادع الی سبیل ربک بالحکمة و الموعظة الحسنة و جادلهم باقی هی احسن ان ربک هو اعلم بمن ضل عن سبیله و هو اعلم بالمهتدین) آیت جلیله سی ، بیانی صدندده بولندیمز تعلیم و ارشاد مسلكلرینی بر صورت مجیز کارانده بیان ایلمکده درکه مال منبئی « رسول ذیشانم ! مبعوث اولدیفک نامدن هر طائفه کنندی حال و شاننه موافق دلائل ایله ارشاد ایله . خواص امتی مقالات محکمه و براهین قطعیه ، عوام ناسی دخی مواعظ نافع و دلائل مقنعه ایله دین حقه و طریق سلامتیه دعوت ایت ! معاندلری ده جله جه ویا آنلرجه مسلم و مشهور اولان مقدمات یله الزام و آنلره قناعت ویره جک مجادله حسنیه رفق و ملامتله اهتمام ایله . سنک اوزریکه واجب اولان شی بو منوال اوزره خلقه تبلیغ احکام و حقایق اسلامیه بی هرکسه اعلام اولوب انلر ایچون حصول هدایت و بالفعل مطلوبه وصلت ایسه سنک و سمک خارچنده در . ربک تعالی حضرتلری ضلالت اوزره قاله جق اولانلر ایله قبول هدایت اید . جک اولانلری بیلور و هر ایکسینده مستحق اولدقلری مجازات و مکاناتی ویرر » دیمکدر .

فخرالدین رازی جناب حکمک شو آینه رسول اکرمه حکمت و موعظه حسنه و مجادله مستحسنة دن عبارت اولان طرق ثلاثه ایله ناسی دین مبین و صراط مستقیمه دعوت و ارشاد ایتسنی امر و فرمان بیورمش اولدیفنی و بو طریقک بعضیسی بعضیسنه معطوف اولمقله یکدیگریک عینی اولیوب بهری باشلو باشنه بر مسالک ارشاد بولندیفنی ذکر و بیاندنصکره طریق ارشادک شو اوج تسمه انحصارینی بروجه آتی اثبات ایدوب دیورکه :

« خلقی بر مذهب و اعتقاده دعوت همه حال بر حجت و بینیه مستند اولمق لازمدر . حجتی ذکر دن مقصد ایسه یا او مذهب و اعتقادی قلوب سامعینده یراشدیرمک یا خود معاندینی الحام و الزام ایتکدر . قسم اول ایکی به منقسمدر . چونکه قلوب سامعینده بر مذهب و اعتقادی یراشدیرمک ایچون سرد و اتیان اولان حجت یا نقیضه احتمالدن مبرا و معرا اولور ویا بویله اولیوب بلکه ظن ظاهری و اقناع کامل افاده ایدمک بر حالده بولنور . بناء علیه شو تقسیم ایله خلقی بر مذهب و اعتقاده دعوت و ارشاد زماننده سرد ایدیله جک جتلیک بروجه آتی اقسام ثلاثیه انحصاری ظاهر اولور .

۱ — عقائد یقینیه بی افاده ایدن حجت قطعیه درکه اشرف درجات و اعلا مقامات اولوب حکمت تسمیه اولنش و (ومن یؤتی الحکمة فقد اوتی خیراً کثیراً) آیت جلیله سیله هم کنندی هم ده متصفی مظهر توصیف ربانی و نائل تجلیل سبحانی اولمشدر .

۲ — امارات ظنیه و دلائل اقناعیه درکه موعظه حسنه دن عبارتدر .
۳ — کندیسنی ذکر دن مقصد الزام خصم اولان دلائلدرکه اوده جدلدر .

جدل ایکی قسمدر . برسی جله جه ویا یالکز خصمه مسام و مشهور اولان مقدمات مقبوله دن ، دیکری ده هیچ برکسه جه مسام و مشهور او ایان مقدمات باطله و فاسده دن مرکب اولان دلیلدر . جدلک بو ایکنجی قسمندن مقصد ایسه نظر سامعینده بر طاقم حیل باطله و طرق فاسده ایله ترویج سرآمددر . بونک ایچون اهل فضلك بو قسم اول ایله استدلالی لایقدرکه (و جادلهم بالقی هی احسن) قولیله رسول اکرم افندمن حضرتلرینک معاندلر ایله مکالمه سنه مأمور اولدینی جدلدن مقصد دخی بو قسم اولدر . ایدمی شو بیانغزله ، مقام دعوت و حال ارشادده سرد و اتیان ایدیله جک حجج و دلائلک بو آینه ذکر اولان اقسام ثلاثیه انحصاری قطعاً ثابت اولور .

حضرت امام شو مقدماته بناء شونتایجی دخی اتیانله دیورکه : ناس ، اوج طاعه در . برنجیسی معارف حقیقیه و علوم نافعیه طالب اولان کاملدرکه حین دعوتده بونلرله مکالمه آنجق حکمت یعنی دلائل قطعیه ایله ممکن اوله بیلور .

ایکنجیسی طبیعت و خلقتلرنده سو فسطاطیک خصلت قبیه سی غالب اولان ناقصلدرکه زمان ارشادده آنلر ایله مکالمه آنجق الحام و الزام افاده ایدن مجادله ایله حصول پذیر اولور .

اوچنجیسی شو ایکی طرف آره سنده واسطه اولوب دلائل یقینیه و معارف حکمییه بی فهم و ادعان استعداددن محروم بولنان و فقط خلقت اصلیه و سلامت فطریه لری اوزره باقی قلان و بوجهته نه کالده حکمای محققین مرتبه سنه ترقی ، نه ده نقصان و ردالتده معاندین درکه سنه تدنی ایتمش اولان کسملردرکه حال دعوتده بونلر ایله مکالمه دخی آنجق موعظه حسنه ایله قابل اوله بیلیر .

فخرالدین رازی حضرتلری مسالک ارشادی بر منوال سابق بیان و ایضاحی متعاقب ترجمه ایتدیکنمز وجه ایله شو آیت کریمه نک معانی

منیفه سنی و متضمن اولدینی بعض لطائف شریفه سنی ده بیان ایتد کدن
صکره بوبابده کندیسنجه مختار و مرجع اولان وجه تفسیری دخی
بروجه آتی اتیان ایدوب دیورکه :

(جواهر نفوس بشریه بالمایه مختلف اولوب کیمیسی عالم جسمانیته
قلیل التعلق و عالم روحانیته کثیر الانجذاب اولان نفوس مضمیئه صافیة
کیمیسی ده عالم جسمانیته قوی التعلق و عالم روحانیته عذیم الانفات
اولان نفوس مظلمة جاهله در. بو استعدادات جواهر نفوسک لوازمندن
اولمله آنلردن انفکاک و زوالی متمندر. یونک ایچون حق جل و علا
حضرتلری حبیب اکرمه « سن آنجق دعوتله اشتغال ایت ، هرکس
ایچون حصول هدایتہ طمع ایتمه . زیرا ربک تعالی و تقدس حضرتلری
نفوس مظلمة جاهله نك ضالته ده قاله جغنی و نفوس مشرقه صافیة نك ده
نور هدایتله تنور و اشراق ایلله جکئی بیلور » بیورمشدر نصل که
هر نفس ایچون بر فطرت مخصوصه و برماهیت مختصه اولدیغنه
(فطره الله التي فطر الناس علیها لا تبديل لخلق الله) قول شریفی دخی
شهادت ایتکده در)

فخرالدین رازی حضرتلرینک یوقارودنبری نقل و ترجمه ایلدی کمز
توضیح محققانه و تفسیر حکیمانه سندن اکلاشیلورکه ناس ، (خواص)
(عوام) ، (معاندین) طائفه لرندن اولوق اوزره اوج قسمه منقسم
اولوب دین حق و طریق سلامتہ بونلری ارشاد مقانده کندیلرینه
قارشو سردی لازم کلان ادله نك بالطبع بشقه بشقه اولسی ایجاب
ایده جکندن (ادع الی سبیل ربک الخ) آیت جلیله سیله رسول اکرم
افندمن حضرتلری هر صنفک کندی حالنه مناسب براهین و دلائل
سوق ایلله تبلیغ احکام و ارشاد انامه مأمور اولمشدر .

طوائف ثلاثه نك احوالنه رعایتله تبلیغ احکام و ارشاد انام هر
عصرده موجود اولان علوم و فنونک تحصیلنه متوقف اولدینی ایچون
بزم دخی شو عصرده کی فنون موجوده بی تحصیل ایتمز البته لازمدر .
زیرا زمانغزده طائفة عالیہ علوم طبیعیہ ایلله مشغول اولوب حتی برطاقم
عملیات ایلله قوانین طبیعیہ نك نه صورتله ابراز آنا ایتدیکنی کورد کلرندن
بتون کائناتک و کافه مصنوعاتک احدائی بر ماده ایلله اوماده نك قوتنه
استناده قدر واریبورلر . اولیله ایسه اوفنلری تحصیل ایتلی که آنلرک
شبهلری نه دن عبارت اولدینی بر تفصیل بیلنسوند آکا کوره برهان
اقامه سیله کندیلری دوشد کلری کرداب ضالالندن تخلیص ایلله بیلسون .
زیرا برمرض تشخیص اولغدیجه تدایوسی غیر قابلدر .

موسی لظم

صدر اسلامه بر نظر

نورنوار اسلامیت جزیره العربده ظهور ایدیور ، درحال آفاق دیار
عربی منور قیلیور ، طاغنیق بدویلری لوی سعادت احتوای اسلام
سایه سنده برلشدیلر یور .
علو فطرت ایلله ممتاز اولان قوم عرب اعلاء کلمة الله ایچون عربستان

چولرندن چقیورلر ، مدت قلیله ظرفده دنیا نك اک بیوک واک مقدم
دولتلی اولان قیصره واکا سره بی سطوت حاکمانه لرینه فرمانفرمای
اطاعت ایدیورلر ، اون بو قدر سنه ظرفنده او قوم نجیب بلادروم
وفرسی ضبط ایدیورلر ، اول و آخر موجود اولان دولتلرک هیچ برینک
نائل اوله مدینی فتوحاته یارم عصر ظرفنده نائل اولیورلر ، بر عصر دن
آز بر مدت ظرفنده عالمده حصوله کتیر دکلی انقلابی اک قوی حکومتلر ،
اک مقدم دولتلر بر قاج عصرده بیله حاصل ایده میورلر ، قبل الاسلام
روم و فرسه فوق العاده تعظیم ایدرلر و آنلردن پک زیاده قورقارلر
و مملکتلرینک عظمتنه حیران اولورلر ایکن نه اولیورکه بر فرقه قلیله
یا لکز اوق ، قلیچ ، آرپه ، داری ، عادی بر کسوه ، دوه ، آت ایلله
ایکی دولت معظمیه بر دن میدان او قوبورلر ، هجومه جزأت ایدیورلر ،
انلری هیچه صایبورلر . نه اولیورکه اقوام فرسی تعقیب ایچون اللرنده
برر قارغی ، آنلرنده برر آت اولدینی حالده قوجه برنهری یوزره رک
چکیورلر . نه اولیورکه اصلا ظهیر و نصیرلری بولنسان بر مملکتہ
هجوم ایدیورلر . حالوکه او بلده ده مهمات ، دهسا زیاده بولنیور .
نه اولیورکه دائما مملکتلرینک خارجنده حرب ایتد کلری حالده ینه
خصمه کوز آچدیر میورلر . نه اولیورکه پاره لری ، قلعه لری اولدینی
حالده پاره لری ، قلعه لری چوق اولان خصمه غلبه ایدیورلر . نه اولیورکه
شهادتی حیاته ترجیح ایدیورلر . بو حال قبل الاسلام نه یه حاصل
اولبور ایدی؟ بو عربلر ینه او عربلردن دکلی؟ اوت روم و فرسدن
قورقان بادیه نشین عربلر بعد السلام تمامیله بشقه بر عالمه کیردیلر .
حضیض جهلندن اوج عرفانه و درکه سافله بدویتدن درجه عالیة مدنیته
صعود ایتدیلر ، قبائل متشکنه ایکن امت واحده اولدیلر . بر مقصده خادم ،
بر قانون الهی یه تابع اولدیلر . یکدیگر لرینک دشمنی ایکن بر نفسک متعدد
اعضای حکمنده اولدیلر . کتابسز ، قانونسز بر قوم ایکن بتون امتک
سعادتتی و حیات مدنیته نك کالنی و انسانیتک هر درلو تأمین منعافتی
ضامن اولان بر قانون مؤید الهی یه ، بر جامع الحقایق اولان فرقان ربانی یه
نائل اولدیلر . بو حال بر خارقه دکلیدر؟ طاقت بشریه فوقنده بر انقلاب
دکلیدر؟ بو ایشک ایچنده علوی بر یدمعنوی یوقیدر؟

ایشته بعد الاسلام عربلرده درحال اتحاد و نصرت و صدق دعوتہ
اعتقاد حاصل اولدی . ارتق پک بیوک طائید کلری دولتلی پک کوچک
کورمکه باشلادیلر ، هجومدن قورقدیلر ، نصرتی محقق بیلدیلر .

اسلامیت عقد اتحادک واسطه یکنه سیدر . خلفا و امرای اسلامیه
بتون خطبلرندن اتحادی توصیه ایدرلر و تفرقه و تشکنک حضرتلرینی
یکان یکن تعداد ایلرلر ایدی . هر کوز بش دفعه ادای صلات ایچون جامع
شریفده بولنق دائما اتحادی در خاطر ایدر ، متین قیلار . هجرتک ایلک
سندلرنده مهاجرین ایلله انصار اره سنده عقد اولان مؤاخاة و مسلمین
ایلله یهود اره سنده عقد اولنان مواعده اتحادک اهمیتتی کوسترر .
بو مؤاخاة و مواعده خصوصلری تاریخ مدنیته پک مهمدر . حکومت
اسلامیه نك اساس اولیدر . اسلامیت نصرتہ و صدق دعوتہ تنفادی
تأمین ایدر . هر مسلم اعلاء کلمة الله ایچون جهاد ایدر ، دنیایی دین اوغورنده